



AUZO BILERAK 2025

AUZO: Karrika

Data	Hasiera ordua	Bukaera ordua
2025/10/08	18:00	20:30

BILDUTAKOAK:

Udal ordezkariak:	Agustin Lekuona, Ion Albisu eta Aiako Harria Gaztelumendi			
Herritarrek: 15	Euskaraz: 15		Elebitan: 0	
	Emakumezkoak: 6		Gizonezkoak: 9	
	<30 urte:	31-50 urte: 3	51-65 urte: 8	>66 urte: 4

AKTA:

Gaia	Ekarpena eta iruzkinak
Aurkezpena	Batzarrean landuko diren gaiak aurkeztu dira.
Legealdi planaren jarraipena	Legealdi erdiaren balorazioa egin ahal izateko esan behar da gaur egun herrian dugun guztia, urtez luzez udal honek egin duen ibilbidearen ondorio zuzena dela. Aurrekoek egindako lanen uztia. Guk lekukoa hartu dugu eta ildo horretatik lanean dihardugu. Horregatik, Oiartzunen ditugun zerbitzuen berri ematea eman nahiko genuke, izan ere, herri bereziki aberatsa da zerbitzu publikoei dagokienean. • Etxez etxeko zerbitzua, bertan 17 udal langilek lan egiten dute eta momentu honetan 79 onuradun ditugu. • Zaintzadi; bakardade ez hautaturen prebentzio lanetan lan egiten du. Esku hartze zuzenak egiteaz gain, komunitatea aktibatu eta auzoz auzo taldetxoak sortzen ari dira. • Landetxe, 2023an inauguratu zen, urtean 200 ekitaldi eta 11.500 ikusle izan ditu. Aipatzekoa da ekintzen %71 herri eragileek programatutakoa dela. • Udaleko ur zerbitzua, udalak berak kudeatzen du herriko ur hornidura. 300km hoditeria ditugu eta hauen mantenua ere egin behar da.



- **Ludoteka, gazte topaleku eta udal udalekuak.** Ludotekan hilabetera 200 bat haur ibiltzen dira, topalekuan 500 bat gazte hileko eta udalekuetan 400 haurrek parte hartzen dute.
- **Udal ikastola partzuergoa:** 0-3 urte bitarteko haur eskola zerbitzua.
- **Kiroldegia eta kirol azpiegiturak,** 5000 bazkide ditu gaur egun kiroldegia eta hilean 18.000 erabiltzaile inguru.
- **Beilatoki publikoa,** beste herrietan zerbitzua pribatizatuta dago, gure kausan, udalarena da eta horrek erabilera eta prezio publikoak finkatzeko aukera ematen du.
- **Arditturriko minak,** bisitak guk kudeatzen ditugu.
- **Soinuenea eta Luberri** fundazioko kide da udala.
- **Arritxuloko** aterpetxea.

Lekukoa hartu eta lan egiteko modu berari jarraiki, legegintzaldi honetan honako **proiektu hauek burutu dira:**

- **Ferminene,** ongizatearen etxea inauguratu dugu.
- **Herritarren Arretarako** gunea berria martxan jarri dugu. 450 bat herritar artatzen ditu eta 2 700 inguru dei izaten ditu hilabeteen.
- **Gazte topalekuarekin** jarraituz, zerbitzua zabaldu da eta sexu aholkularitza zerbitzua txertatu da.
- **Kulturartekotasuna eta euskarari** dagokionez, Uda Plazan egitasmoa martxan jarri dugu haur etorri berriak euskaraz murgiltzeko, guraso etorri berrientzat ere doako euskara ikastaroak eskainiko dira eta Mugaldeko Udaleku Ibiltariak ere antolatu dugu, mugaz gaindiko nerabeen saretzea euskaraz sustatzeko.
- **Ongizatearen** alorrean, hotzaren aurkako kanpaina martxan jarri dugu, neguan kale egoeran dauden herritarrei aterpea emateko, Lezo eta Pasaiarekin batera kale egoeran bizi direnentzat aterpe berria egin dugu eta arretarako itxaron zerrenda murriztu dugu.
- **Emakumeentzako arreta juridikoa** ematen duen zerbitzua ere martxan jarri dugu. 32 emakume artatu dira eta urte amaiera arte agenda beteta dago.



- **Bitartekaritza zerbitzua** ere sortu dugu bizilagunen artean egon litezkeen egoera gatazkatsuak bideratzeko asmoz.
- **Merkataritza txikia** sustatzeko dirulaguntza lerroa martxan jarri dugu. 35.000 euro azken bost urteetan irekitako negozioentzako. 16.000 euro banatu dira bost onuradunen artean eta horietako bat okupazio berria da.
- **Mugikortasun eta energia planak** onartu eta gauzatzen hasiak gara dagoeneko. Rafael pikabea kalean konponketak egiten ari gara, Kiroldegian eguzki panelak jarri dira eta auzoetan bizikleta aparkalekuak jarriko ditugu.
- **Hirigintza** planei dagokionez, herritarrekin landu dira Arraguako eta ELI6ko garapen urbanistikoak.
- **Naturguneen azterketa** ere egin dugu. Bioaniztasunaren diagnostiko bat egin dugu, suteak prebenitzeko larre planarekin jarraitzen dugu eta bertako landareria landatzeko pinuak eta haritz amerikarrak erauzi dira 30 Ha.

Jakingo duzuen moduan legegintzaldi hasieran **Oiartzun Burujabe** izeneko prozesuan sartu zen udala eta honako proiektu hauek garatu dira bertatik:

- **Energia bulegoa** jarri da Mendiburu kalean. Astelehenetan hitzordua eskatuz lan egiten dute, etxeko fakturak aztertzen dira. Datu moduan, batz best 400 euroko aurrezkia lortu dute bertara joan diren Oiartzuarrek.
- **Udan ordaindutako praktikaldia** egin dute 7 gaztek lehen sektorean.
- **Udal musika eskolari** dagokionez, Ibargain musika eskolari eta Soinueneako musika eskolari jarraipena emango dien proiektua gauzatu da.
- **Liburutegia** eraberritzeko parte hartze prozesua egin da, urte eta erdi inguru iraun du eta herriko sektore ezberdinak gonbidatu dira saioetan parte hartzera.
- **Zaintzaren** inguruko ekintza plana ere abendurako izango dugu, bertan gai honetan hobetzeko eman behar diren pausuak zein diren bilduko da.

Herritarrekin lotura duten proiektu hauez gain, azpiegiturei lotutako beste hainbat **inbertsio** ere egin dira: Ugaldetxoko futbol zelaia berri da, Ugaldetxoko poligonoetako bidegorria egin da, Ugaldetxon beste bi lotura berri



egin zaizkio bidegorriari, Elizalde Ikastetxeko transpatioarekin lanean jarraitu dugu, ur hoditeria berrituko da Arraguan, Karrikako eta Ergoingo frontoiak atonduko dira, Altzibarko gunee estalia gauzatuko da eta ikasketa gela berria egingo da.

Dirulaguntzei ere aipamena egin nahi izan diegu aurten, Europako EDIL dirulaguntzen bidez 1.000.000 euro jaso dugulako bidegorria ardatz izanik lan ezberdinak egiteko: Arditurriko irteera tunelak berritzeko, Altzibar eta bidegorriko lotura berriak egiteko, Altzibarko gunee estalia eta bere ingurua atontzeko... Horrez gain, LIFE izeneko dirulaguntzara aurkeztu gara, Elizalde Ikastetxea berritzeko 5.000.000 euroko proiektu batekin.

2026 urteari dagokionez, **mugikortasunean** aurrerapausoak emango ditugu: Lanbarren eta Ugaldetxoko poligonoetako trafikoaren azterketa egin da eta orain hobekuntzarako proposamen zehatzak egingo ditugu. Helburua proposamen zehatzak Foru Aldundiko garraio eta azpiegituren sailera bideratzea izango da, haiena baita konpetentzia.

Hondakinei dagokionez, olio jasotzeko makinak jarriko dira. Olio ontzi berezietan bilduko dugu, makinak olio potoa jasoko du eta poto berri bat itzuliko digu, birziklatzen jarrai dezagun. Poligonoetako hondakin bilketa udalak kudeatuko du hemendik aurrera, birziklatze tasak asko hobetuko dira eta hondakinen tratamenduko gastuak gutxitu egingo dira, ondorioz hondakinen bilketan dugun defizita gutxitzen lagunduko du. Rafiazko poltsen sistema herri guztira zabalduko da Arraguako eta Rafael Pikabeako froga pilotua egin ondoren. Poltsa bana banatuko da hasieran (familia ugariei 2 poltsa), gehiago beharko balitz udaletxean eskatzea nahikoa litzake.

Burujabetzek ere segida izango dute 2026an: Haragi zirkuitu motza sortzeko proiektua aztertuko da, jangelak bertako produktuekin hornitzeko lanketarekin jarraituko da, Herriko zaintzaileen mapa osatuko da, energia berriztagarrien instalazio berriak aztertuko dira (hidraulikoa eta eguzkia) eta kultur agenda bateratuko duen aplikazio bat sortuko da.



	2026ko inbertsioei dagokionez, Altzibarko gunea estalia amaituko da, Ergoien auzoa bidegorria lortzeko bide berriak egingo dira, Altzibarren Artikutzako trenaren interpretazio gunea jarriko da, Arraskularre kaleko zoladura berrituko da, Zilar kalea eta autobus geltokirako bidea txukunduko da, bizikletentzako aparkaleku seguruak jarriko dira Arraguan eta EH plazan, haur parke bat estaliko da eta ikasketa gela eta liburutegia berritzeko proiektuak abiatuko dira. Etxebizitza plana dela eta aipatu nahi dugu hau ere hondakinen gaia bezala, ertz ezberdinetatik landu beharreko gaia dela. Promozio berriak herritarrekin landu dira eta landuko dira (ELI 6, Arragua, Iturriotz...), etxebizitza tasatuak zozketa bidez salerosteko neurriak hartu dira, etxebizitzaren inbentario zehatza egiten ari gara, etxebizitza turistikoak arautzeko neurriak hartuko dira eta jada hasiak gara Oiartzun eremu tentsionatu izendatzeko lanketarekin.
Ordenantza fiskalak eta aurrekontua	Lehengo urtean egin ziren aldaketa esanguratsuenak, aurten aldaketa gutxi egin dira. Gure helburuetako bat bada errenta baxueneko bizikidetza unitateak laguntzea eta honetarako salbuespen ugari jasota daude egoera zaurgarrian dauden herritarrak babeste aldera. KPIaren araberrako igoera aurreikusten da, alegia %3koa. Ez ohiko azken igoera bat jasota dago hondakinen tasan, aurten %18ko igoera izango da. Lehengo urtean ere igoera berezia izan zuen tasa honek, Europako legearen eskakizunetako bat zerbitzuak defizitarioa ezin duela izan dioelako. Herritarrei aplikatuko zaien ez ohiko azken igoera izango da. Orain poligonoetako lanketa egingo baita. Aurrekontuei dagokionez, 2026rako udalak 21 milioi euroko aurrekontua izango du.
Auzoa	<u>Lehengo urteko eskaerak eta egindako lanak:</u> • GI 3631 bide bazterretan ganadu seinaleak jarri dira. • Euriteen ondorioz gertatutako kalteak konpondu dira. • Frontoiko estalpearen proiektua martxan jarri da. • Mendi herri bideak konpondu eta pistak garbitu dira.



- Mantenu lanak egin dira auzoan.

Egitekoak:

- Komunaren azterketa. Aurrerago landuko da auzotarrekin
- Txakurrak lotuta eramateko arautegia betearazi beharra. Kontzientziazio kanpaina egin nahi da, baina kontuan hartu behar dugu kanpoko txakurrez gain auzokoak ere lotuta eduki behar ditugula
- Artasotik plazara doan espaloia, bidea eta arketa konpondu: mugikortasun planean jaso dago koexistentzi gune bezala
- Plazako gunea aztertu
- Auzo sarrerako aparkalekuaren lanketa: saltzeko proposamena egin zaie, baina ez dugu erantzunik jaso. Udal bezala interesatzen zaigu aparkaleku bat edukitzea, eta kokalekua oso egokia da auzoaren sarreran dagoelako.
- Frontoiaren estaltzea: aurreproiektu bat proposatu digute. Batzarrean erakutsi ditugu planoak. Oraindik ez dugu aurrekonturik, baina lantzen ari gara. Kontuan hartu da jaietarako kioskoa jartzen tokira arteko eremua.

Eskariak:

- *Auzotar batek udalera deitu zuen Beheko erroto egurrezko zubia oso egoera txarrean zegoela azaltzeko.* Udalak aztertu du eta konponketak egingo ditugu.
- *Azkenaldian izan diren istripuen inguruan galdetu dute.* Foru Aldundiarekin jarri da udala harremanetan eta baita zenbait herritar ere. Zoladura horretan egin zen tratamenduari buruzko informaziorik ez ziguten pasa. Istripuen ondoren behin eta berriz galdetuta, adierazi ziguten bere momentuan dirua iritsi ez zenez, beheko geruza bakarrik bota omen zutela, eta horren ondorioz ez du izan heltzeko gaitasunik. Eguraldi baldintzak hobetzean egitekotan geratu ziren, baina hezetasuna zegoela eta atzeratu egin zuten. Udalak behin eta berriz esan dio Aldundiari eta ardura handia duela ere adierazi dio.
- *Errekaren egoera: erreka zuhaitzez beteta dago.* Udalak txostena beteko du, eta herritarrekin batera Ura agentziari eta Aldundiari eskaera formal bat egitea proposatu da.



	• <i>Zenbait adar luze samar daude, eta autobusak jotzen ditu.</i> Kimaketa garaian kontuan hartu beharko dira. Hala ere kontuan izan behar da zuhaitz horiek lur pribatuetakoak diren ala ez. • <i>Harrobitik gorako lekuan: Zenbait lur eremutan zuhaitzak erori egiten dira eta errepidea oztopatu.</i> Herritarrei eskatu zaie eskaerak HAZen jartzeko, auzo batzarretara itxaron gabe. • <i>Haritz handi bat erdibituta omen dago, eta haizearekin modu arriskutsuan mugitzen da.</i> • <i>Bidegorriko argiak: neguan argiak piztu bitarte tarte luze batean iluntasun osoa egoten da. Argien programazioa aurreratzeko eskatu da, eta baita ondatutakoak konpontzeko ere.</i> • <i>Xorrola zerbitzua Karrikara ea ekar daitekeen galdetu dute. Taxibusaren ordutegia zabaldu daitekeen galdetu dute, 14:30etik 17:30era ez dagoelako zerbitzurik.</i> • <i>Erreka proiektuaren inguruan hartu du hitza auzotar batek. Informazioa jaso omen dute, eta jaso duten informazioaren inguruan hitz egin du. Hauen arabera Goizueta, Lesaka eta Oiartzun hartzen omen ditu proiektuak. Talde bat sortu da elkarlan bat egiteko beste herrieekin ere. Erantzun zaio udal bezala oraindik ez dugula ezer jaso. Herri ezberdinetara deitu dugu eta informazioa eskatzen ari gara. Gehitu nahiko genuke Aranoko horretan 2 proiektu daudela, elkarri kontrajarriak. Bata Eusko Jaurlaritza bultzatzen ariko litzatekeena eta bestea Repsol. Udalak mugitzen duen informazioaren arabera, aurrera egiteko aukera handienak Hernanikoak izango lituzke. Hala ere, Repsolekin ere harremanetan jartzen saiatzen ari gara.</i>
Itxiera	Bertaratzeagatik eskerrak eman dira.

BALORAZIO ORRIA:

Hizlariak: bileran zehar emandako azalpenak	9
bilera ongi gidatu da	9
Bileran erabili den metodologiaren egokitasuna	9
Auzotar kopurua	6
Auzotarren partehartzea (ekarpenak egiten)	8



Saioa probetxugarria izan al da?	9
Egunaren egokitasuna	9
Orduaren egokitasuna	9
Lekuaren egokitasuna	10